

AKTA LEMBAGA PEMASARAN PERTANIAN  
PERSEKUTUAN 1965

PERATURAN-PERATURAN PEMASARAN SAYUR 1975

PERISYTIHARAN KAWASAN TERTENTU

PADA menjalankan kuasa yang diberikan oleh perenggan 3(a) Peraturan-peraturan Pemasaran Sayur 1975 [P.U. (A) 80/75], Lembaga Pemasaran Pertanian Persekutuan mengisytiharkan kawasan-kawasan dalam negeri Johor yang dinyatakan dalam Jadual sebagai kawasan tertentu.

**Pembatalan**

2. P.U. (A) 385 yang disiarkan pada 24 November 1977 dibatalkan.

JADUAL

KAWASAN TERTENTU

1. Kawasan yang meliputi kawasan di bawah pentadbiran Majlis Bandaraya Johor Bahru
2. Kawasan yang meliputi Mukim Tebrau
3. Kawasan yang meliputi Mukim Sedenak
4. Kawasan yang meliputi Mukim Senai Kulai
5. Kawasan yang meliputi Mukim Sungai Tiram
6. Kawasan yang meliputi Mukim Pelentong
7. Kawasan yang meliputi Mukim Pulau
8. Kawasan yang meliputi Mukim Jelutong
9. Kawasan yang meliputi Mukim Tanjung Kupang
10. Kawasan yang meliputi Mukim Tangkak

Bertarikh 26 Disember 2001  
[KP/LA/8/12/6; PN(PU<sup>2</sup>)145/V]

AZIZI BIN MEOR NGAH,  
Pengerusi,  
Lembaga Pemasaran Pertanian Persekutuan

AKTA LEMBAGA PEMASARAN PERTANIAN  
PERSEKUTUAN 1965

PADA menjalankan kuasa-kuasa yang diberi oleh seksyen 3 dan 12 Akta Lembaga Pemasaran Pertanian Persekutuan 1965. Lembaga, dengan kelulusan Menteri, dengan ini menetapkan peraturan-peraturan yang berikut.

*Akta 141*

1. (1) Peraturan-peraturan ini hendaklah dinamakan Peraturan-peraturan Pemasaran Sayur, 1975 dan hendaklah dipakai di seluruh Malaysia, dan hendaklah mula berkuatkuasa pada 1hb April 1975.

*Nama,  
pemakaian dan  
mula  
Berkuatkuasa.*

(2) Lembaga, dengan kelulusan Menteri, boleh melalui pemberitahu dalam *Warta* mengecualikan apa-apa sayur daripada tertakluk kepada mana-mana atau kesemua peruntukan Peraturan-peraturan ini.

*[Pin. P.U.(A)  
384/77]*

2. Dalam Peraturan-peraturan ini, melainkan jika kandungan ayatnya menghendaki makna yang lain:

*Tafsiran.*

"jualan" termasuklah tawaran untuk jualan, dedah untuk jualan, simpan untuk jualan dan perkataan "jual" hendaklah ditafsirkan dengan sewajarnya;

"jualborong" ertinya transaksi lain daripada jualan secara runcit;

"jualan secara runcit" ertinya jualan kepada pengguna;

"kawasan tertentu" ertinya kawasan yang diisytiharkan sebagai kawasan tertentu di bawah peraturan 3;

"pasar jualborong sayur" ertinya suatu tempat yang diisytiharkan sebagai pasar jualborong sayur di bawah peraturan 3;

"peladang sayur" ertinya seseorang yang menanam sayur-sayuran di atas tanah yang dipunyai olehnya atau yang mengenainya ia ada sesuatu kepentingan sebagai pemegang pajak, tenan, penduduk, pemegang lesen, penerima serahak, pemegang gadai, pengganti dalam hakmilik, ejen atau dengan apa-apa cara atau atas apa-apa sifat yang lain;

"sayur" ertinya sayur yang dinyatakan dalam Jadual bersama ini dalam keadaan mentahnya.

6. Walau apapun peruntukan peraturan 5, Lembaga boleh mengisytiharkan dirinya sebagai pelelong tunggal bagi mana-mana pasar jualborong sayur

*Lembaga boleh  
menjadi  
pelelong  
tunggal*

7. (1) Jika sesuatu pasar jualborong sayur telahpun diisytiharkan dalam mana-mana kawasan tertentu, Lembaga boleh mengisytiharkan melalui pemberitahu dalam Warta bahawa tiada seseorang boleh mengeksport sayur-sayuran yang dibeli dari kawasan tertentu itu melainkan sayur-sayuran itu telah pada asalnya dibeli dari pasar jualborong sayur dalam kawasan tertentu itu.

*Ekspor sayur-  
sayuran*

*[Par P 12 (A)  
384/77]*

(2) Tanggungjawab untuk membuktikan bahawa apa-apa sayur telah ditanam di luar sesuatu kawasan tertentu atau bahawa ianya telah dibeli di suatu pasar jualborong sayur adalah terletak di atas orang yang dipertuduhkan itu.

8. (1) Sesuatu permohonan untuk satu lesen yang tersebut dalam peraturan 4 atau untuk pembaharuannya hendaklah dibuat dalam borang yang ditetapkan oleh Lembaga.

*Permohonan,  
had-had dan  
syarat-syarat  
lesen.*

(2) Sesuatu lesen itu yang dikeluarkan atau dibaharui di bawah perenggan (1) boleh tertakluk kepada apa-apa had, syarat dan sekatan sebagaimana yang dikenakan oleh Lembaga, yang mana boleh diubah pada bila-bila masa dan boleh termasuk larangan atau sekatan terhadap amaun apa-apa sayur yang boleh dieksport oleh pemegang lesen pada bila-bila masa.

(3) Tanpa menyentuh peruntukan-peruntukan perenggan (2) peruntukan-peruntukan yang berikut hendaklah dipakai bagi tiap-tiap lesen yang dikeluarkan atau dibaharui seperti tersebut di atas —

(a) tiap-tiap lesen hendaklah tamat pada 30hb Jun yang berikutan selepas ia dikeluarkan; dan

(b) suatu bayaran sebagaimana yang dikenakan oleh Lembaga hendaklah dibayar kepada Lembaga mengenai lesen itu.

9. (1) Lembaga boleh, melalui syarat-syarat dalam lesen, menghendaki seseorang yang diberi lesen di bawah peraturan 4 mengeluarkan —

*Mengeluarkan  
invois jualan  
dan belian.*

(a) suatu invois belian kepada peladang sayur atau mana-mana penjual lain; dan

(b) suatu invois jualan kepada pembeli.

(2) Sesuatu invois belian dan sesuatu invois jualan hendaklah dalam apa-apa bentuk dan mengandungi apa-apa maklumat sebagaimana yang dikehendaki oleh Lembaga

10 (1) Pemegang lesen hendaklah mempamerkan di suatu tempat yang mudah dilihat

*Kewajipan  
terhadap  
pemegang  
lesen*

- (a) di premis atau tempat perniagaan yang dinyatakan dalam lesennya, suatu papan menunjukkan harga semasa sewaktu ia membeli atau menjual sayur-sayuran bagi hari itu dan potongan-potongan daripada harga itu atau beratnya yang boleh dibenarkan di bawah had-had lesen yang dikeluarkan kepadanya;
- (b) pada sebelah atas pintu premis atau tempat perniagaan yang dinyatakan dalam lesennya dan mengikut apa-apa cara sebagaimana yang boleh dibaca dengan senang oleh orang ramai, nama penuhnya sebagaimana yang terdapat dalam lesennya, dalam huruf-huruf Rumi, dan perkataan-perkataan —

PEMBELI SAYUR BERLESEN ; atau  
LICENSED VEGETABLE BUYER

PENJUAL SAYUR BERLESEN ; atau  
LICENSED VEGETABLE SELLER

PENGEKSPORT SAYUR BERLESEN ; atau  
LICENSED VEGETABLE EXPORTER

mengikut mana yang berkenaan.

(2) Pemegang lesen hendaklah :

(a) memberi kepada Lembaga apa-apa maklumat atau penyata sebagaimana yang dikehendaki oleh Lembaga:

(b) mempamerkan apa-apa maklumat lain dan mengikut apa-apa cara sebagaimana yang dikehendaki oleh Lembaga.

(3) Pemegang lesen hendaklah, apabila diminta oleh seseorang pegawai yang diberikuasa oleh Lembaga, membenarkan pegawai itu memasuki premis itu dan hendaklah, jika dikehendaki, mengemukakan lesennya dan daftar yang tersebut di atas untuk diperiksa oleh pegawai itu.

11. (1) Jika Lembaga berpendapat bahawa seseorang yang diberi lesen dengan sepenuhnya di bawah Peraturan-peraturan ini telah melanggar atau tidak mematuhi mana-mana peraturan atau mana-mana daripada had-had syarat-syarat atau sekatan-sekatan yang dikenakan berkenaan dengan

*Pembatalan  
lesen.*

sesuatu lesen yang dikeluarkan kepadanya, Lembaga boleh meminta orang itu menunjukkan sebab mengapa lesen yang dipegang olehnya itu tidak patut dibatalkan.

(2) Seseorang yang diminta menunjukkan sebab di bawah perenggan (1) —

(a) hendaklah diberi oleh Lembaga butir-butir secara bertulis mengenai pelanggaran atau hal tidak mematuhi yang diadukan itu; dan

(b) boleh, jika ia kehendaki, hadir sendiri atau diwakili oleh seseorang yang diberikuasa secara bertulis olehnya, dalam sesuatu pendengaran di hadapan Lembaga.

(3) Jika, selepas pendengaran itu, Lembaga berpendapat bahawa orang yang diminta menunjukkan sebab itu telah melanggar atau tidak mematuhi mana-mana daripada peruntukan Peraturan-peraturan ini atau telah melanggar mana-mana daripada had-had, syarat-syarat dan sekatan-sekatan lesen yang dikeluarkan kepadanya, Lembaga boleh menggantung atau membatalkan lesen itu.

(4) Lembaga boleh memerintahkan supaya lesen itu digantung selepas meminta pemegang lesen itu menunjukkan sebab menurut perenggan (1) atau pada bila-bila masa kemudian daripada itu, dan sementara menanti keputusannya berkenaan dengan pembatalan atau selainnya akan lesen itu.

12. Seseorang yang melanggar peruntukan yang terdapat di dalam Peraturan-peraturan atau perisytiharan yang dibuat di bawah peraturan 7(1) ini hendaklah disifatkan telah melakukan suatu kesalahan dan boleh apabila disabitkan didenda tidak lebih daripada satu ribu ringgit atau penjara tidak lebih daripada enam bulan atau kedua-duanya.

*Kesalahan.*

*{Pin. P.U.(A)  
384/77}*

Bertanikh pada 4 haribulan Mac, 1975

ABDUL RAHMAN BIN HAJI YUSOF  
*Timbalan Pengerusi*  
*Lembaga Pemasaran Pertanian Persekutuan*

Saya luluskan,

ABDUL GHAFAR BIN BABA,  
*Menteri Pertanian dan Pembangunan Luarbandar*

JADUAL

<i>Nama Biasa</i>	<i>Nama Kajitumbuhan</i>
1. Bayam	<i>Amaranthus gangeticus</i>
2. Bawang	<i>Allium cepa</i>
3. Bendi	<i>Hisicus esculentus</i>
4. Cili	<i>Capsicum</i>
5. Halia	<i>Zingiber officinale</i>
6. Kacang Buncis	<i>Phaseolus vulgaris</i>
7. Kacang Wangi	<i>Pisum sativum var saccharatum</i>
8. Kacang Panjang	<i>Vigna sinensis ungniculate</i>
9. Kangkung	<i>Ipomosa aquatica</i>
10. Ketola Manis	<i>Luffa cylindrica</i>
11. Ketola segi	<i>Luffa acutangula</i>
12. Keladi	<i>Dioscorea cayenesis</i>
13. Keledek	<i>Ipomoea batatas</i>
14. Kobis (bulat)	<i>Brassica oleracea capitata</i>
15. Kobis (panjang)	<i>Brassica pekinensis var cylindria</i>
16. Kobis bunga	<i>Brassica oleracea botrytis</i>
17. Kobis China (puteh)	<i>Brassica chinensis</i>
18. Kai Lan	<i>Brassica alboglabra</i>
19. Kuchai	<i>Allium schoenoprasum</i>
20. Kundor	<i>Benincasa hispida</i>
21. Lik (Bawang Perai)	<i>Allium porrum</i>
22. Lobak	<i>Raphanus setivus</i>
23. Lobak Merah	<i>Daucus carota</i>
24. Poh Choy	<i>Spinacia oleracea</i>
25. Peria	<i>Momordica charantia</i>
26. Salad	<i>Lactuca sativa</i>
27. Selada (celery)	<i>Alpium graveolens</i>
28. Sawi	
29. Terong	<i>Solanum</i>
30. Timun	<i>Cucumis sativus</i>
31. Timun Bulu	<i>Cucurbite pepo</i>
32. Tomato	<i>Hycopersicon esculentum</i>
33. Tong Hoe	<i>Chrysanthemum coronarium</i>

AKTA LEMBAGA PEMASARAN PERTANIAN  
PERSEKUTUAN 1965

PERATURAN-PERATURAN PEMASARAN SAYUR 1975

PERISYTIHARAN PASAR JUALBORONG SAYUR

PADA menjalankan kuasa yang diberikan oleh perenggan 3(b) Peraturan-Peraturan Pemasaran Sayur 1975 [P.U.(A) 80/75], Lembaga Pemasaran Pertanian Persekutuan mengisytiharkan Pasar Jualborong Pandan, Johor Bahru yang terletak di Pusat Perdagangan Pandan, Kampung Sri Purnama, Kangkar Tebrau, Johor Bahru, Johor Darul Takzim sebagai suatu pasar jualborong sayur bagi kawasan tertentu yang meliputi kawasan di bawah pentadbiran Majlis Bandaraya Johor Bahru dan Mukim Tebrau dalam negeri Johor.

Pembatalan

2. P.U. (A) 716 yang disiarkan pada 24 November 1977 dibatalkan.

Bertarih 26 Disember 2001  
[KP/LA/8/12/6; PN(PU<sup>2</sup>)145/V]

AZIZI BIN MEOR NGAH,  
*Pengerusi,*  
*Lembaga Pemasaran Pertanian Persekutuan*

AKTA LEMBAGA PEMASARAN PERTANIAN  
PERSEKUTUAN 1965

PERATURAN-PERATURAN PEMASARAN SAYUR 1975

PERISYTIHARAN DI BAWAH SUBPERATURAN 7(1)

PADA menjalankan kuasa yang diberikan oleh subperaturan 7(1) Peraturan-Peraturan Pemasaran Sayur 1975 [P.U.(A) 80/75], Lembaga Pemasaran Pertanian Persekutuan mengisytiharkan bahawa tiada seseorang boleh mengeksport sayur-sayuran yang dibeli dari kawasan tertentu yang meliputi kawasan di bawah pentadbiran Majlis Bandaraya Johor Bahru dan Mukim Tebrau dalam negeri Johor, melainkan sayur-sayuran itu telah pada asalnya dibeli dari pasar jualborong sayur di Pasar Jualborong Pandan, Johor Bahru yang terletak di Pusat Perdagangan Pandan, Kampung Sri Purnama, Kangkar Tebrau, Johor Bahru, Johor Darul Takzim.

Bertarih 26 Disember 2001  
[KP/LA/8/12/6; PN(PU<sup>2</sup>)145/V]

AZIZI BIN MEOR NGAH,  
*Pengerusi,*  
*Lembaga Pemasaran Pertanian Persekutuan*